

廣
註
四
部
精
華

集部
第九冊

四部精華目錄第九冊

康長素文精華

進呈突厥削弱記叙

進呈法國革命記叙

詩集自叙

朱九江先生佚文叙

連州遺集叙

辛亥臘遊箱根與梁任甫書

來因觀壘記

馬通伯文精華

風俗論

桐城耆舊傳序

莊子故序

王謙齋先生詩集序

答金仲遠書

送毛實君序

處士龍張二君墓表

方恭人蘇氏附葬誌

雪夜課經圖記

重修高忠憲公水居記

遊冶父山記

三公祠記

林琴南文精華

國朝文序

唐文序

桐城吳先生點勘史記讀本序

送黃石孫侍御出守徽州序

送胡瘦堂侍御歸廬山序

陳猴傳

江陵戴烈婦傳

先妣事略

高筠亭先生墓志銘

六

侯選訓導李君繼室楊孺人墓志銘

六

蒼霞精舍後軒記

七

周養庵篝燈紡織圖記

七

遊樓霞紫雲洞記

八

記起山梅花

八

遊西溪記

九

登泰山記

九

先母陳太宜人玉環銘

十

梁任公文精華

記江西康女士

一

三先生傳

一

康廣仁傳

二

動物談

六

歐洲戰役史論自序

七

章太炎文精華

封禪

孫貽讓傳

高先生傳

書望嶽圖後

地文學序

瑞安孫先生哀辭

人灘說

甲寅五月二十三日家書

康長素文精華

進呈突厥削弱記敘

臣聞醫而後知病之輕重。鑒而後知貌之妍媸。鑒於遠古。不若鑒於近今。鏡於不同類而異我者。不若鏡於同類而如我者。故蘇援切近。診切脈絡。至要矣。橫覽萬國與中國至近形似。比擬同類。鑒戒最切者。莫如突厥矣。突厥出自匈奴。蓋殷人淳維之後。而合同種也。昔在隋唐之世。赫然北方數萬里。亘自遼東。發瀚海。至於裏海。奄有中亞。自蒙古前。莫比強焉。及敗逐契丹時。為西突厥。終敗逐於蒙古。燕帖木兒走為今突厥。已而攻東羅馬滅而代之。遠居其君士但丁那部之大都。當是時。突之四域。北據強俄之今土。東破取波斯之全壤。南臣服非洲數萬里之北岸。中撫亞喇伯希臘之舊國。東攘取歐洲之塞維布加利牙羅馬尼亞之朕壤。挾其黑海地中海印度海幅輦之力。兼有摩西穆護希臘羅馬文教之舊疆。東向而爭歐土。當明之中葉。其蘇丹索立曼陳兵百萬。以壓全歐。玉節金幢。鐵馬鳴鏑。鞭筆所指。指日滅歐。德之維也納城門不啓。匈之標德罕士京邑瀕危。諸歐列國王侯聯兵合拒之。幸霖雨泥濘。疫病大起。僅乃得解。否則諸歐咸為吞併矣。自前三百年間。諸歐同心竭力。奔命靡遑。蓋聞突厥之聲威。心懼骨震矣。然而而是三百年間。適當歐人新世勃興。科倫布則尋得美洲。漸乃覓得全地。以增新識。意大利文學復興。後新教出而舊教殆。於是倍根笛卡兒創新學。講物質。而新藝新器大出矣。突人得大炮火藥於蒙古而輸之歐。於是破封建萬千之侯壘。而王權成。騰揚丕天之革命。波而立。

憲偏於各國矣。至近世百年。諸歐治定功成。其新政新法新學新器。絕出前古。橫被全球。其汽船鐵路電線汽球並出齊奏。絕地通天。歐人用以囊括四海。席捲大宇。無有留者。而突厥恃其強大。新睡於其比鄰。閱數百年。渺若無知。不少覺寤。豈不異哉。及夫歐勢內熾。兵力外挺。眈眈逐逐。惟此地兼三海三洲之神皋腴壤。始因種爭教爭。借扶其民。於是埃及希臘自立。羅馬尼亞塞維繼之。及布加利才教案之起。俄人藉口仗義興師。於是可薩克數十萬兵立馬巴根岳之巔。以悅服君士但丁耶部矣。當是時。突君臣惴惴不國。英人為均勢爭。鄭之虎牢也。乃連法意德奧之師。勒俄退兵。列強乃分割其要壤。俄得黑海高加索。奧得赫次戈兩州。英得毛魯瑪布加利才與門的內哥均自立。自是突逆偏安。地壤褊小。君廢國幾亡。當是時。尚幸賴賢相阿士文之才。立憲法。變新政。訂外交。令國家危而復安。國民懸而復解。若使突主倚用之。以突之兵強國大。至今二十年。雖齊法德執奧意可也。然而突之蘇丹。乃遜阿士文。廢憲法。復守舊。至於今二十年。全突黑闇。仍數百年之故俗也。聞其國土地蕪蕪。與我國同道路污穢。與我國同無自來水。火無排洩。無電燈煤燈。無機器。與我國同全國少鐵路電線。交通不便。與我國同人民愚昧。篤舊于奉回教。經典外。地球大勢。一無所知。學校皆無。世界學。無各專門。化光電重工程機器學。無商船駕駛學。與我國昧於八股試帖楷法。同。人民無權國無議院。鄉縣無議局。無選舉。與我國同。其財政困亂。人民苦如牛馬。與我國同。其訟武斷。其獄黑苦。與我國同。其負外國債。通數萬萬。與我國同。英俄德法奧意六國大使。外監收其財。內干預其政。日迫壓取其利。

機國民越怨嗟與我國同於是革命四起人人思易朝運君矣而突厥蘇丹以其黑暗守舊之治法晏然處諸歐列強發啓之中。慨然卧國民憤怒革命之上。所謂廢積薪之上。火未然而以為安卧羣虎之旁。虎未噬則且酣醉。豈有不危哉。突厥不亡國則革命殆不遠矣。無可救藥矣。豈止削弱而已哉。書曰。與治同道罔不興。與亂同道罔不亡。中國與突厥乎。西歐久誦為東方兩病夫矣。其意謂未知孰為先死也。今中國之形與突厥同。中國之病亦與突厥同。臣編譯突厥事。竊竊自危。旁皇流下。竊幸恭逢我皇上神聖英武。維新變法。且決立憲。有以起病而扶衰焉。惟此獨與突厥異。中國不亡。國民不奴。惟皇上是恃。書曰。一人有慶。兆民賴之。臣謹編譯上呈聖鑒。

〔註〕

①君士坦丁那部

地名。東羅馬帝國之首府。臨博斯福喜海峽。古政治工商業工重要之地位。

②玉節金幢

符信

之類。古人用以示信傳命者也。

③鐵馬鳴鏑

鐵馬。言士馬強悍。如鐵之堅銳也。鳴鏑。言士馬強悍。如鐵之堅銳也。鳴鏑。言士馬強悍。如鐵之堅銳也。

④可薩克

族

進呈法國革命記敘

昔孔子讀詩至殷士膚敏。濯將于京。乃掩卷而歎曰。大哉天命無常。故君子不可不戒懼。黎民不可不勸勉。臣每讀各國史。至法國革命之際。君民爭禍之劇。未嘗不掩卷而流涕也。流血偏全國。巴黎百日而伏尸百廿九萬。變革三次。君主再復。而綿禍八十年。十萬之貴族百萬之富豪千萬之中人。暴骨如莽。奔走流離。散逃異國。城市為墟。而革變頻仍。迄無安息。流入迴淵不

知所極。至夫路易十六君后同囚。並上斷頭之臺。空瀛國民之淚。悽惻千古。感痛全球。自是萬國驚心。君民交戰。革命之禍。偏於全歐。波及大地矣。雖鑒戒巴黎殺戮略減。而君主殺逐王族。逃死流血盈野。死人如麻。則百年來百國實書實錄。莫不同然。普天地殺戮愛亂之慘。未有若近世革命之禍酷者矣。蓋皆自法肇之也。大學曰。惟命不于常。道善則得之。不善則失之。維石宕宕。民具爾瞻。故有國者。不可以不慎。辟則為天下戮。故桀放南巢。而民曰。時日曷喪。厲王放彘而下。乃共和為政。至於首懸太白。身焚漸臺。蓋皆不善。以辟為天下戮也。若夫路易十六。寬裕愛民。實為恭儉之君。故遭禍戮。民多哀憐之。以憐民飢。特許開議院。至仁也。許平民預議而立憲法。至公也。飢民從其徽賂。刺宮推至巴黎。至寬也。惜其許行立憲。不盡出於己意。而多由於民迫。不剛斷於速行。而游移於眾議。始則恃瑞士之軍。以兵為衛。既乃散之。則無兵而同於匹夫矣。中則與民黨未拉伯盟。而付以大政。則得人而王室固矣。既乃肯之。則民黨失心矣。終則恃外援而不出奔。遂激民怒。而成大戮。身首異處。為天下笑。蓋民性可靜不可動也。一動之後。若轉石於懸崖。不至於趾不止也。傳曰。豈其使一人肆於民上。民愚不知。公天下之義。則已耳。既知之。則富貴崇高者。眾之所妒。事權尊一者。眾之所爭也。法民既遠感於美民主之政。近親於英。裁植理士。逐占士第二之故。則久受壓制。其瞻若岩。必傾覆之。矣。起所謂水能載舟。亦能覆舟。書所謂顧畏於民巖也。民情大動者。民心大變矣。昔之名分。不足以定之。適足以激之。嚮之權勢。不足以壓之。適足以怒之。若使路易十六。剛愎雄武。仍壓其民。若秦始皇。則禍

延後嗣二世而亡。若其祖路易十四而已而雄武之才乃天實生之。非尋常人主所能學也。苟誤師之。則如秦二世。吳孫皓。隋煬帝。英植理十一而已。既不能為秦始皇。路易十四。則相時勢。審民情。知變之不能復止也。動之不能復靜也。達之愈激。達之生變。且夫寡不敵衆。私不敵公。理之公則也。要有以一人而能敵億兆國民者哉。則莫若立行乾斷。不待民之請求迫脅而與民公之。如英之威廉第三。後諸主然。明定憲法。君民各得其分。則路易十六必有泰山磐石之安。則彭之壽。堯舜之舉。生死榮哀。國家長久。天下後世師之。慕之。而惜路易十六不能審時剛斷也。徘徊遲疑。欲與不與。緩以歲月。斯其事權遂至身死國亡。為天下戮笑。幾沒其賢也。豈不哀哉。昔司馬遷笑項羽為婦人之仁。匹夫之勇。優柔不斷。遂以身死國亡。至今觀之。與路易十六同出一轍。有國者固與匹夫異體哉。臣竊觀近世萬國行立憲之政。蓋皆由法國革命而來。跡其亂禍。雖無道已甚。而時勢所趨。民風所動。大波翻瀾。迴易大地。深可畏也。蓋大地萬千年之政變。未有宏巨若茲者。亦可鑒也。中國未有此書。臣謹編譯。上呈聖鑒。

〔註〕

①首懸太白

太白·旗名·首懸太白·謂周武王斬紂頭·懸之白旗也。

②漸臺

水上之臺也·水波之故名·列女傳·楚昭王出遊·留大

人漸

臺

③漸臺·亦許之意·

詩集自敘

詩者言之有節文者耶。凡人情志鬱於中。境遇交於外。境遇之交。壓也。環異。則情志之鬱積也。深厚。情者陰也。境者陽也。情幽幽而相襲。境煇煇而相發。陰陽愈交迫。則適變化而旁薄。又有

禮俗文例以節奏之故積極而發。滿如江河舒如行雲奔如捲潮怒如驚雷咽如溜灘折如引
泉飛如驟雨其或因境而移情樂喜不同哀怒異時則又玉磬鏗鏘和箏鏘鏘鐵笛裂裂琴絲
情愔皆自然而不可以已者哉夫有元氣則蒸而為熱軋而成響磨而生光含養變化而成山
川巖裂而為火山流金匯聚而為大海迴波塊軋吾芒大塊文章豈故為之哉止不得已也故
志深厚而氣雄直者莽天地而獨立妙萬物而為之徘徊其情明白其靈正則其形玲瓏其聲
芬芳烈響穠華遠清中和永平澹泊而不厭亭立而不矜迤邐而淵淳月明而山行石破而天
驚時或風雨怒號金鐵飛鳴山水妙麗天日晶晴或萬馬戰酣旌旗飛繁或廣殿排仗旛旒嚴
凝或巖籐落葉面壁老僧或萬花放曉士女春盈或深山大河巨海積沙崇峯撐天洪波疊嶺
飛雪蔽地漸海極目煙岫鬱攸蜿蜒漫空乾端坤倪神怪暴發人經物理龍象蹴踏斯其為情
深而文明氣盛而化神者耶吾童好諷詩而學在擇理既不離人性又好事不能離肝嘔肺以
為詩人然性好游嗜山水愛風竹船唇馬背野店驛亭不暇為學則餘事為詩天人之感多矣
及戊戌遭禍遁跡海外五洲萬國靡所不到風俗名勝託為詠詩莫拔抑塞磊落之懷日行連
行奇偉之境臨眺舊鄉遠回故國閱劫已夥世變日非靈均之行吟澤畔騷些多哀子卿之嚙
雪海上平生已矣河梁隴首游子何之落月長梁水波深闊嗟我行邁皆遇於詩情在於斯噫
氣難已奔亡無定散佚彌多門人梁啟超請收拾遺稿發願手寫搜羅與之尚存千餘篇亡人
何求又非有千秋之名心也抑以寫身世發幽懷哀樂無端詠歎淫佚窮者達情勞者詩事小

史謝蘭生之詞章皆翕受而自得之旁及金石書畫罔不窮精極微當是時漢學方盛鉅釘為工。觀瑣文而忘大義於多聞而遺躬行先生夙識高行獨不蔽於俗厲節行於後漢採義理於宋人既則舍康成釋紫陽一一以孔子為歸其行如碧霄青雲懸崖峭壁其德如粹玉馨蘭琴瑟彝鼎其學如海其文如山高遠深博雄健正直蓋國朝二百年來大賢巨儒未之有比也梨洲精矣而奇佚氣多船山深矣而矯激太過先生之學行或於亭林為近似而平實敦大過之著書滿家以為所知有國朝學案國朝名臣言行錄凡百卷蒙古記晉乘各數十卷詩文數十卷晚歲皆自焚之世多疑焉意者先生疾世之譁譁多以文學炫寵而以身為法耶夫言之不足化人久矣文人之無實多矣天下無我是書而教化遂以陵夷人心遂以熄絕則其書必當存也天下無我是書而教化無大損人心未至滅則先聖先哲之遺書具在循而行之大道可宏生民可救則何必以著作炫世乎孔子曰子欲無言子思述中庸之末曰聲色之以化民未也上天之載無聲無臭至矣先生之德於是至矣後之人受不言之教以躬行為歸何必遺書何必遺書否則著書等身而中心數慙其書愈多其名愈盛其壞風俗敗國家愈甚是毒吾民也臭取焉予小子稍有所述作每念先生焚書之旨未嘗不反省而悚然曰吾豈有名心歟抑出不得已不忍人之心歟其昔人曾發之而無待己之喋喋歟否則宜焚之也先生卒於光緒壬午之春年七十五詩文既盡焚無一傳同門友營祠墓畢議道文簡廣文竹居胡茂才少愷皆博學高行以先生惡表襮謙詔述道旨相約勿刻至於今又垂三十年矣雖然令先生無

門五種遺規躬行實踐坐尸立齋終身不倚約己而豐施友悌而恤族愛士而敬賢嫉惡而好善連州府君孕再世淑善之姿浴庭訓清嚴之化少徇齊而不弄長體道以行仁然副貢生介士陳子剛先生為府君外舅以清風高節好學善道常館於家而孝子勞我野先生受即中馮潛齋先生理學之正傳傳之工部何樸園先生為嶺學大師府君既親傳之而友京卿朱九江先生次琦徐徵君佩韋先生台英凡此數先生皆籍南海而為粵學之元夫巨儒府君盡師友而翁受之如蘊醇酒重香醞蜜浸以歲年內之庭訓如此外之師友如彼故德行學術正則芳排聲律身度蹈道自然不知漢之荀陳宋之張呂師友世德何如也孔子曰魯無君子者斯為取斯其在吾祖連州府君耶漢荀陳諸賢有何著述先府君純德懿行重器識敦行誼而薄浮華亦何貴著書哉府君道光丙午舉人官廉州合浦連州訓導欽州學正有教澤門人龍澤厚曰今欽州禮樂器猶先祖府君手澤焉祀廉州昭忠祠為從侍在連州也雖作詩文成為勿刻墓木祇伐垂三十年嗟余小子十載道亡福延先墓年逾知命老亦將至太夫人命校注先詩仍用刊布以道後昆時同義初生永誦先芬也光緒三十四年十二月孫康有為記撰

〔註〕

（一）醫州

初稱時水發於頭如兩角也

（二）劉截山

即宋周先生明山陰人

（三）陳

榕門

名家諱清臨桂人雍正進士外

辛亥臘遊箱根與梁任甫書

一昨脂車宵過明月照影僕大戒時巾笥先發汽車馳馳履雲美睡一夕千里旦過靜岡遙望

富士瞻之在前。羣玉峯頭白銀宮闕橫雲封掩。真面邈莫良願不遂。奈何奈何。午到國府津。遂見積根羣峯聳碧。松嶺夾綠。壓映海波。激瀉澗流。舊游如昨。復集眼前。飯顆少憩。筍輿遂躋蹬道。紆空危岫。插漢蜀坂。九折玉尊。所此棧道千盤。杜陵是呼。澗湍餘寒。空虛冰雪。荒山竟日。但見白草。紫紆萬徑。寂寞山家。狐狸時躍。人蹤俱絕。凍雲歸壑。靈霧晝谷。飛雪盡霽。奇寒襲人。冷風刺面。重裘不溫。如臨絕塞。但歎荒涼而已。登陟勞止。一步三頓。加蕭蕭暮雨。滑滑春泥。窮窮松林。冥冥列岫。僕痛馬瘡。天昏日黑。前途渺渺。客舍茫茫。叩野人而篝燈。披荆棘而覓路。道狹草長。則下臨絕壑。澗曲峯迴。則前遮峭崖。遂乃覆車折軸。兩易乘載。踟躕路左。匍匐吳行。行路之難。宛其傷矣。所幸電話先通。客館迎至。忽乃連岡列炬。走卒夾途。或挽或推。前後各四。傳呼若曉鑾。呵殿成八。騶凄苦之餘。忽化鬧境。雲坭咫尺。天人變幻。入偃旅館。有若登仙。黃柑自青。銀魚入饌。與奴白飯。浴我溫泉。酒膩茶甘。香塵夢妥。鷄鳴夜闌。風雨如晦。追思曠曠。感慨繫之。則天之既白矣。乃策馬蘆湖。瞻望富岳。積誠開雲。積陰解駭。白頭倚霄。碧波欲冰。白帽倒影。上下摩照。光景奇絕。疑到忉利遊時。幾何。觀化無盡。湖邊得宅。板屋荒園。花石礚礚。波光泚泚。可以賃廬。便欲移家。不知桃源此可終隱。其與吾子將離隔矣。此地昔在南北之朝。嘗設重關之險。羣雄力競。僥倖千年。今則大道蕪荒。行人斷絕。今古異跡。令人慨慷。浮雲西馳。忽脫故國。金鐵鳴飛。神州陸沈。江漢滔滔。則樓船驚波。京邑爰爰。則風塵瀟瀟。成皋榮陽。復見劉項之相距。朔方西域。又聞吳越之稱王。慘淡兵戈。蕭條城野。月照白骨。是深閨夢裏之人。馬擁殘旗。慟却

下招魂之祭。國殤漸無壯者。空巷只餘寡妻。嗟我遺黎。民生欲盡。一百日之倒戈。風雲慘澹。三百年之王業。宗社忽焉。每念宣室之陳。更感東市之戮。追思鼎湖之痛。自哀絕國之命。摩黨人之碑。錮逾十載。寫湘纍之怨。行吟九歌。蕭蕭松柏。墓茂陵而不歸。莽莽河山。封新亭而下淚。江海萬里。乾坤百年。宗國瀕危。生民莫拯。及黨禁之解除。隨舊朝而同盡。恍仰身世。悲從中來。自非木石。能無哀乎。吾三周寰宇。徧問君相。醉諸歐之金粉。考百國之寶書。厭飫乎石室之藏。倦遊乎息陬之操。已忘歆羨。自放行藏。吾道非耶。人間何世。諸天無量。星界萬千。生有自來。游為偶現。八十往返。莫往莫來。億劫灰飛。不壞不捨。惟吾心之悲憫。忍斯世之遠離。嗟我生民。實同憂樂。欲往乎公山拂脰。尼父之行。戀五就乎夏桀殷湯。有莘之任重。無成敗利鈍之逆。親盡瘁鞠躬。無身名得失之求全。吾固喪我。披難掃穢。濡足匡時。光岳或完。黎民或保。仁人志士。其能忍乎。若夫處民絕之時。際國亡之厄。遠依異國。免告亂邦。道遙帷闥。播弄鉛華。徒以著述為暇豫。以酒博為排遣。志學行仁。生平何事。嗟乎。梁生才薄。賈誼志希。伊尹聯鑣。駢新同拯。壁日於虞淵。比翼齊飛。同事救民。於塗炭。往苒歲暮。於今廿年。死生有命。進退維谷。豈伊異人。而有差池。夫單豹養其內。而虎食其外。拿破侖冒於行。而霧助其成。凡成功者。天人各半。巧存未必得。壯往未必失。前修多矣。吾才質老鈍。道德日冒。西望儒博。寶器鬱其光華。東懷君勉。雷霆走其精銳。思草堂之萬木。未盡凋零。說烈士之暮年。平生飛動。行軍誰與。浮海徒傷。窮冬返寒。荒山歲盡。白日西匿。長風萬里。嗟乎。天命悄怛。云何。呵。凍布懷。懷。懷。難。覲。纓。

〔註〕

①箱根

日本山名。為日本北海道的要處。古於此置關塞。

②王尊

王尊漢高陽人。為守相。

以剛直聞。嘗為益州刺史。至凡折城。問吏曰。此非玉陽所長道耶。叱取連曉元。

③瀕洞

瀕洞音辰。瀕洞相連貌。

④單豹

莊子達生篇。有單豹者。

名居而水飲。不與民共利。行年七十而猶有嬰兒之色。不幸遇饑虎。饑虎殺而食之。

來因觀疊記

未游歐土者。想像而推測之。以為善見之天。妙音之國。極樂之土。金堂玉宇。神仙聖賢也。以吾徧遊歐國。熟觀其博物院及王宮之珍儲。則舉目所見者。金鐵之中。胄戈盾也。游於其國內山野之間。則接目而觀者。巍巍之戰壘也。其壘突兀於雲表。縱橫於江邊。憑險據隘。式製詭奇。誠吾國人所未觀也。數求其道圖於柏林。巴黎。維也納。美蘭。馬德里諸都會。亦不易得。蓋自道光二十八年來。奧普民變。侯封盡削。壘隨而廢。歐人亦恥稱之。而古跡亦漸漸滅矣。游歐者徒觀於其大都會。觀文物之殷。賑閭閻之奇麗。聞歌則震而驚之曰。文明哉。文明哉。然此其最新之跡耳。試與游奧國帝羅之阿爾頻山。其勾閣之多。鏡河上。又與游德國漢那話州中。乃若蘇蘭格爾阿爾蘭山野中。則屹然蒼然於山間雲際者。皆壘也。然道跡跡跡。尚未能惻然動游者之心。至於循來因河邊數百里河道中。波浪決決。崇岡蔽蔽。夾河對岸。三數里間。憑險相見者。果何物也。則皆壘也。壘也者。故侯之宮。而爭戰之場。歐人之白骨所築。亦血所洗。而成之者也。傷心哉。吾國古之戰場。可弔者有幾。而來因河畔。則接目皆古戰壘。五十年前之歐民。何罪何辜。而二千年蒙此慘酷。吾至今猶為歐民哀之也。吾國民生於大一統之國。萬千里無一戰壘。

民多老死不見兵革父子夫妻相保以長子抱孫豈識歐人之苦哉歐土之候日夕被數十斤之金甲童子亦然引火許之玻璃以飲葡萄酒醉則卧地起抱民女醒則出獵入民間而奪所有或攻鄰國而掠其商民大舉則大則長槍以攻其壘非深宵入內寢見其妻無敢解甲者頭目戴密孔之鐵胄足股踏纏裹之鐵膝甲厚如錢楯長過大苟非刺喉無自殺之若其壘制奇詭憑山巔而繞絕壁峻壁入雲處處斷而續以橋面面壁而隔以城高下方圓可通可絕可降可升不知幾經戰爭乃得此式也故皆有一夫當關萬夫莫開之勢以區區小國寡民憑險守隘雖有謀臣如雲猛將如雨莫之誰何故德意志千年帝主自路多父平九十壘以外無有能定之者自非中國創火藥大礮自蒙古突厥而西漸則封建之象至今存可也吾人幸生中國不知一統之治安者其緩游諸國大都而先備來因河畔必將慨然於歐民之不幸而自慶生存於中國之治安也然禍福無門得失相召歐人以競爭致今日之治乃反有以過我者然後反復其致治之由乃游各大都鑒而採之其庶幾具有得於歐游而不入於迷途者乎故游者不可不游來因河而學者不可不讀來因河要記也

註

① 截薛

薛音薛上林氏

截薛山峻貌九峻截薛

② 滕

滕行滕也今之滕縣

③ 則

與利同